

stehet / desto mehr wirt es durch die Würckung des Feuers von einer Natur in die ander verwandelt vnd verändert. Darumb weil es zuvor ist naß gewesen / so wirt es nachmahls trocken sein; vnd was erstlich ist schwartz oder weiß / das wirt darnach Citrin ros/ ic.

## C A P U T X X I.

## Dass das Feuer allwegen soll sanft vnd steht sein.

**D**eweil aber viel Gradus des Feuers seinde / muss man jesüdt besehen wie groß dasselbe sein soll / ob es stark oder schwach sein soll. Darauff zu antworten / das erstlich das Feuer soll lindt vnd sanft sein. Daher Lilium sagt: Du soll wissen das ohn die werme niemal etwas geborn werde / vnd das grosse werme verderbe / vnd das ein kalt bald das zusammen gesetzte verjage. Aber durch ein temperiert Feuer wirt der Körper lieblich vnd bequem. Dann durch ein lindt Feuer wirt die zerstörliche feuchtigkeit aufgezogen / dann die Philosophi bezeugen alle das sie kein ander Feuer gefunden haben / das die zerstörliche feuchtigkeit aussiehe / dann ein sanftes vnd lindes. Damit sie die lenge vnd gedult wöllen besohlen haben / vnd die eylung zgleich geschlossen / wie dann billich. Dann so das compositum oder zusammen gesetzte mehr dann sich gebürt regirt wirt / so wirt es aufgetilgt. Und in lib. Saturni wirt gesagt: Die ganze Würckung ist in dem Regiment des Feuers. Dann wer das Feuer weiß zu regirn / der tempt zur vollkommenheit. Derjenige so sein materi mit lindem Feuer regiret / der kan zur heimligkeit kommen / vnd wirt also die materi zu seinem Glas / vnd bleibt allwegen auflöslich: Aber mit grossem vnd starkem Feuer wirt es zu Glas / vnd so hart das es nicht kan solviert werden / dann mit grosser arbeit / welches doch kein nütz ist. Dann man muss die subtilen theil von den groben / vnd die fixen von den unfixen scheiden: dis geschicht aber nicht denn allein mit lindem Feuer. Dann so das Feuer zu stark ist / so wirt entweder die materi verbrunt / oder steigen zgleich die groben theil mit den subtilen auf vnd töden sie. Und darumb wellen alle Philosophi ein sanftes Feuer haben. Daher Hermes sagt: Scheide die Erden von dem Feuer / vnd das subtil von dem groben / fein / sanft mit grossem verstandt. Und Morianus: Was diese Körper fürnemlich bequem macht / das ist Oleaginari. Dann dasselbe macht lebendig / vndfüget zusammen / vnd wirt auf ihnen allen ein Corpus. Der halben soll ein gar sanft Feuer gemacht vnd zugethan

3